



EKONOMI

Apex Healthcare edar vaksin Sinopharm di Singapura menerusi unitnya



03/09/2021 07:46 PM

ADVERTISEMENT



KUALA LUMPUR, 3 Sept -- Anak syarikat milik penuh Apex Healthcare Bhd di Singapura, Apex Pharma Marketing Pte Ltd, menandatangani kontrak bekalan dengan Innova Bio-Medical Pte Ltd bagi penjualan dan pengedaran vaksin Sinopharm di negara itu.

Innova akan membekalkan vaksin Sinopharm kepada Apex Pharma bagi penjualan dan pengedaran seterusnya kepada hospital dan klinik swasta di Singapura, menurut Apex Healthcare dalam kenyataan kepada Bursa Malaysia pada Jumaat.

"Berdasarkan pesanan yang telah disahkan, kuantiti awal yang akan dibekalkan adalah 31,600 dos dan dijadualkan tiba pada pertengahan September 2021. Perancangan terus dilaksanakan bagi bekalan seterusnya," jelasnya.



Setakat 29 Ogos, 2021, 80 peratus daripada populasi Singapura telah lengkap divaksin dengan dua dos vaksin COVID-19.

Mengikut program vaksinasi nasional, Singapura meluluskan penggunaan dua vaksin COVID-19 iaitu Pfizer-BioNTech dan Moderna yang kedua-duanya menggunakan teknologi RNA pengutus (mRNA).

Bagi memperluas liputan vaksinasi, khususnya kepada mereka yang tidak boleh menerima suntikan vaksin COVID-19 mRNA atas sebab perubatan, Kementerian Kesihatan Singapura kini membenarkan penyedia penjagaan kesihatan swasta mengimport dan memberikan vaksin lain yang telah diluluskan bagi kegunaan kecemasan oleh Pertubuhan Kesihatan Sedunia.

Tahun lepas, Apex Pharma membekalkan 25 jenis vaksin untuk pelbagai jenis penyakit menerusi unit perniagaan borongnya kepada hospital dan klinik swasta di Singapura.

Pada suku ketiga 2020, Apex Pharma mempertingkatkan keupayaan pengedaran rantaian sejuaknya dengan perluasan kemudahan bilik sejuk untuk farmaseutikal, vaksin dan biologik dalam usaha memenuhi permintaan yang semakin meningkat.

-- BERNAMA

Bernama menyediakan sumber terkini maklumat berita sahih dan komprehensif kepada umum dan agensi media. Berita kami dipaparkan di laman web www.bernama.com ; siaran BERNAMA TV: Saluran Astro 502, Saluran unifi TV 631, Saluran MYTV 121 IFLIX; dan siaran Bernama Radio di frekuensi FM93.9 bagi Lembah Klang, Johor (FM107.5), Kota Kinabalu (FM107.9) and Kuching (FM100.9).

Ikuti kami di media sosial :

Facebook : [@bernamaofficial](https://www.facebook.com/bernamaofficial), [@bernamatv](https://www.facebook.com/bernamatv), [@bernamaradio](https://www.facebook.com/bernamaradio)

Twitter : [@bernama.com](https://twitter.com/bernama.com), [@BernamaTV](https://twitter.com/BernamaTV), [@bernamaradio](https://twitter.com/bernamaradio)

Instagram : [@bernamaofficial](https://www.instagram.com/bernamaofficial), [@bernamatvofficial](https://www.instagram.com/bernamatvofficial), [@bernamaradioofficial](https://www.instagram.com/bernamaradioofficial)

TikTok : [@bernamaofficial](https://www.tiktok.com/@bernamaofficial)



ADVERTISEMENT

Berita Berkaitan



Ucrest meterai perjanjian induk dengan RDIF untuk pengeluaran vaksin Sputnik V



Hup Seng hentikan sebahagian operasi kilang di Johor untuk tangani COVID-19

Malaysia Airlines tawar penerbangan ke Langkawi mulai 16 Sept



Lagi Berita



Literasi Siber Cegah Ancaman Dalam Talian



Empat sekeluarga rentung dalam kebakaran rumah di Penampang



Abdul Latif hanya balik rumah selepas jalani pemulihan

BERNAMA

Pertubuhan Berita Nasional Malaysia

Wisma BERNAMA

No.28 Jalan BERNAMA

Off Jalan Tun Razak

50400 Kuala Lumpur

Malaysia

+603-2693 9933 (Talian Am)

helpdesk[at]bernama.com



Kategori

- Am
- Ekonomi
- Pasaran
- Tenaga
- Sukan
- Politik
- B Fokus
- Rencana
- Dunia
- Nam News Network (NNN)
- Tinta Minda
- Infografik
- Video

Laman Mikro

- PEMULIH
- Kesihatan
- Webinar

Wilayah

- Tengah
- Utara
- Selatan
- Timur
- Sabah
- Sarawak

Lain-lain

- Laman Korporat
- Hubungi Kami
- Produk dan Perkhidmatan
- Kerjaya@BERNAMA
- Sebutarga / Tender

- [Images](#)
- [Siaran Media](#)
- [Eksklusif](#)
- [Arkib](#)